

武

備

志

武備志卷一百八十八

防風禦寇儀

占度載

占四十一

厭禳

茅子曰、厭禳、君子所不道也、吾聞之易曰、吉凶者、貞勝者也、陰符經曰、禽之制在氣、凡氣有所勝則制之、氣有所不勝則爲之、制固無出乎五行生克、衰王相保相畏之理、若夫假藉神鬼、足以鎮軍心、

疑敵志此可與智者言也

穰敵兵法中夜設壇於北斗下致香茶酒脯爲祭
藉用白茅用五色絲爲幣大將北面再拜禱祝以
所祈之事三奠而止伐陰木之枝爲六甲符符中
書六甲名祭罷以爲大囊囊各盛一符候其在何
旬卽符囊繫於囊內勿令人覺之遂舉而指敵敵
人當自駭走矣

厭疫法大疫當以虜獲首級不計多少於上風焚
之人疫大盛則有用此法疫少亦假用之令其烟

氣衝襲者經時撤去，可以辟癘矣。

厭王氣法：敵之王氣久而不衰者，觀其氣王於何方，當六甲旬首正子時，於營中月空上環三九步，以朱畫八卦壇法成三界，其內畫十二辰及月將之名，東西南北相去等，前取黑狗雞各一，大將披素服，左手仗劍，右手按二畜，北面立，默誦敵將名氏，卽殺之，埋於氣王之方，深三尺，氣衰則去之。厭敵將之命，厭於我者，謂五行之命也，當令細人密構敵將生年月日時，我卽以所王相之色，可以

尅彼者隨所王日及時密逼埋著之

厭所王之日時者假令敵將火命我則擇火日水時爲黑逼體著之勿令他人見戰陣當以皂旗爲衝他皆倣此

伏鳥厭兵法夜伏兵於林薄慮禽鳥驚當以方書十干之號有十二辰名十二月之號有二十八宿之號懸於巢上林上亦得

孤虛法凡出戰宜背孤向虛背建擊破背生衝死背德攻刑主兵大勝 太白經年孤虛太歲後二

辰爲孤，二辰所衝爲虛。假如太歲在子，戌亥爲孤，辰巳爲虛。太歲在丑，亥子爲孤，巳午爲虛。餘倣此。月孤虛以登明加月建，上河魁從魁下爲孤，天罡太沖下爲虛。日孤虛以登明加本日辰時，孤虛以登明加本時上，並河魁從魁下爲孤，天罡太沖下爲虛。若十萬人以上，用年孤虛；萬人以上，用月孤虛；千人以上，用日時孤虛。凡歲建征伐，不可向之，背之則吉，又不可正背，但側避之。一術：子年卯孤，酉虛；子月亥孤，巳虛；子時寅孤，申虛，並順流十

二位日與月同法，演禽書年月日時並以太歲
後一辰爲孤，其衝爲虛，太乙書文昌在內爲虛，
可以攻外，文昌在外爲孤，可以攻內，陰德大義，地
主，陽德和德，呂申高叢，太陽爲內，自乾至辰是也，
大炁大神大威天道大武武德太簇陰主爲外，自
巽至戌是也，如嘉靖甲子歲文昌在地主爲在內，
萬曆甲午歲在武德爲在外，蓋文昌十八年行十
六宮一周，至陰德乾大武巽重留一歲，卽今丁酉
歲文昌在陰德，戊戌歲又在陰德是也，出孤虛

方呪曰背向孤方面向虛行兵出外不逆輸吾今會得孤虛法一卒須能敵萬夫吾奉太上老君神水呪急急如律令

天德方子年在巽合在申丑年在庚合在乙寅年在丁合在壬卯年在坤合在巳辰年在壬合在丁巳年在辛合在丙午年在乾合在寅未年在甲合在巳申年在癸合在戌酉年在艮合在亥戌年在丙合在辛亥年在乙合在庚正月在丁二月在坤三月在壬四月在辛五月在乾六月在甲七月在

癸八月在艮九月在丙十月在乙十一月在巽十二月在庚背之勝

月德方正五九月在丙二六十月在甲三七十一月在壬四八十二月在庚背之勝

天道方正九月在離二月在坤三月在坎四十二月在兌五月在乾六十月在震八月在艮十一月在巽背之勝

生氣方子年在戌丑年在亥寅年在子卯年在丑逐年輪行正月在子二月在丑逐月輪次順行背

之則吉

三刑方子刑卯、卯刑子、寅刑巳、巳刑申、申刑寅、丑刑戌、戌刑未、未刑丑、辰刑辰、午刑午、酉刑酉、亥刑亥、歲月日時並同向之大勝、假如申刑寅、背申向寅

九天九地方、春三月寅爲九天、申爲九地、夏三月午爲九天、子爲九地、秋三月申爲九天、寅爲九地、冬三月子爲九天、午爲九地、決勝宜向九天背九地

凡行兵宜戰雄之神忌戰雌之神春功曹寅夏太
乙巳秋傳送申冬登明亥爲雄春傳送申夏登明
亥秋功曹寅冬太乙巳爲雌

黑殺大神巡遊之方不宜頓兵正月亥子方二月
丑寅方三月卯方四月酉方五月午方六月巳午
未方七月辰巳方八月巳午未方九月亥子丑方
十月申酉戌方十一月子丑寅卯方十二月丑寅
方

凡決戰宜向地耳背天目大勝甲子句午爲天目

辰爲地耳甲戌旬辰爲天目寅爲地耳甲申旬寅爲天日子爲地耳甲午旬子爲天目戌爲地耳甲辰旬戌爲天目申爲地耳甲寅旬申爲天目午爲地耳

凡行軍宜背天關向天梁春三月斗木獬爲天關軫水蚓爲天梁夏三月角木蛟爲天關壁水獮爲天梁秋三月井木犴爲天關參水猿爲天梁冬三月奎木狼爲天關箕水豹爲天梁

大乙神者天兵大將軍也其位至尊背之即勝向

之則敗如甲子旬、天乙在戌、甲戌旬、天乙在申、凡六旬中後旬初辰是也。

凡出軍避天門、擊百死、一可當百大勝、天門者、卽每月破日是百死者、危日是如正月天門在申、百死在酉、二月天門在酉、百死在戌、餘倣此。

凡出軍有神通之法、陽歲用大吉、陰歲用小吉、加歲運之辰、天上甲庚爲天道、天上丙壬爲人道、天上乙辛爲兵道、天上丁癸爲鬼道、出軍乘天道、大吉、人道次吉、兵道見血光、鬼道疾病假令太歲在

寅爲陽歲，以太吉加寅上，天上甲庚，臨地下乙辛，爲天道。天上丙壬，臨地下丁癸，爲人道。天上乙辛，臨地下乾巽，爲兵道。天上丁癸，臨地下坤艮，爲鬼道。他皆倣此。月中神通用大小吉加月建，同此推之。

凡出軍，日暮將下營寨，以月建加正時。若遇三刑加日辰，不可住假。令二月甲子日未時，欲下營，以月將加時，並在三刑之下。夜有賊來，劫營避之，則吉。三刑者，太衝、天罡、太乙也。

凡劫管主陣之法大將軍告如

甲子旬則子上是甲戌旬戌上是餘倣此不可向
太歲太陰若向三辰逆天道主凶太歲者歲中天
子至尊之位太陰者歲中皇后常居歲後之辰
凡欲逃難急向天門方去大吉每以甲子旬支上
起青龍順飛求天門莫犯牢獄如日辰屬甲子旬
中卽從子上起青龍丑蓬星寅明堂卯太陰辰天
門巳地戶午天廷未天牢申天獄酉陽孤戌華蓋
亥玉女甲戌旬之日戌上起青龍寅上得天門甲

申旬之日、申上起青龍子、上得天門是也。餘倣此。
凡行軍出戰、須自太歲月建天道方而往者、大勝。
若敵軍在太歲月建上來者、毋論士卒多少、謹守
勿出、蓋我軍不得去神也。春夏左戰、秋冬右戰、勝
之。

凡日之辰起後、二攻前四、賊不能格鬪。如子日後
二在戌前、四在辰餘、倣此。一曰、不可以破對建、囚
死當生。王謂秋甲乙日向西攻、是死當王。一曰、以
陰攻陽、謂亥子對巳午是也。

武

卷一百一十五

占變錄

占

戰

八

凡行軍警衆須按金木水火土克制之法若庚辛
伐丙丁丙丁伐壬癸壬癸伐戊己戊己伐甲乙甲
乙伐庚辛必主兵亡將死

凡行軍入敵境擇地安營上將宜居歲星太陰下
大將軍月建下一日豹尾之下九天之上宜安營
寨九天者春功曹夏太乙秋傳送冬登明是也

尾豹

看官曆年神方位圖
下在何方向便是

凡欲令人探賊兵宜出何方以月將加正時出天
罡太衝下則人鬼不見又曰宜往太陰之上探之

凡○兵○大○將○軍○宜○伏○於○太○歲○月○建○太○陰○下○上○將○伏○
於○亭○亭○之○下○候○敵○至○時○攻○其○不○意○太○勝○亭○亭○法○見○
選○擇○類○又○云○亭○亭○者○以○月○將○加○正○時○神○后○下○是○也○
太○陰○歲○後○二○辰○也○

凡○賊○兵○來○追○欲○避○難○者○以○月○將○加○正○時○出○太○衝○從○
魁○下○去○吉○又○云○從○天○罡○上○去○吉○忌○抵○王○方○王○方○者○
春○東○夏○南○秋○西○冬○北○也○

凡○行○軍○迷○路○以○月○將○加○正○時○遇○功○曹○傳○送○臨○日○辰○
前○道○通○若○魁○罡○加○日○辰○者○不○通○又○云○天○罡○加○孟○左○

道通加仲中道通加季右道通

凡度關規賊視行年若在太歲月日時衝破下者皆凶故曰凶不凶視破衝若日辰王相有氣上下相生宜進否則宜退行年者一歲丙寅十一歲丙子二十一歲丙戌逐歲順去值年小運便是凡欲知戰鬪所在以月將加正時視大吉所臨之方若大吉加子午賊在卯下加丑未在巳下加寅申在未下加卯酉在寅下加辰戌在亥下加巳亥在丑下又云戰鬪不知在何處以月將加正時春

在氏乙下夏在柳丁下秋在胃辛下冬在女癸下
凡行軍決戰須知五行厭勝之法春三月長鎗在
前夏三月戈戟在前秋三月弓弩在前冬三月刀
楯在前若敵人以曲星陣來我以金星當之次以
圓星銳星當之五陣之法相克當之後陣相生各
隨便益變異餘皆倣此若敵人軍隊服紅者以黑
衣當之次青次黃次白次黑以我克他者也
春三月不征東有敵在彼要伐者可着六人持長
柯斧長戟長鎗向前六里乃止決勝

夏三月不征南，若敵在彼要伐者，可使五人持黑旗，旛各持水三斗，瓶子張着，向前五里止決勝。

秋三月，不征西，若敵在彼要伐者，可使八人持紅旗，蘆葦爲燭炬，各八尺，秉火燭，油瓶子着紅衣，向軍前八里止決勝。

冬三月，不征北，有敵在彼要伐者，可使九人持泥人，仗桃弓葦矢，着黃衣，向軍前九里，吉。

凡將欲出師，假令以木目聞警急事，謂四方舉兵及攻仇怨，必以火命人用火，日火時從火門出兵。

用六之
說出千
浴書

勝此名子孫爲父母報仇勿令金命人金日金
時金門出必敗爲金克木是反尅也如三月甲子
日聞警急賊事利以丙丁火日巳午火時出火門
太乙勝光下大勝餘倣此

凡欲刼營主陣之法可用方圓六十步或六百步
或六里一人一步每步五尺千人千步萬人萬步
隨人加減進退用之

十二支日用旗色子日戌時戌地用黑旗向前望
北噴水一口一人當五十人丑日寅時寅地用紅

旗逆行三步，一人當三十人。寅日辰時辰地，用白旗。歸丙見陣大吉。卯日戌時戌地，用白旗，向前插立，一人當七十人。辰日辰時辰地，用白旗，向前望西噴水一口。巳日戌時戌地，用黑旗，向前噴水一口。一人當三十人。午日寅時寅地，用紅旗，向前噴水一口。一人當七十人。未申酉戌亥日寅時寅地，用紅旗，向前作虎聲，一人當百人。凡行軍安營寨，依山近水，或有地勢峭峻，水聲鳴咽，如猛獸不可懼，震雷風雨不可駭動，恐驚士衆。

當依九天使者禳鎮法用一大將軍甲乙日領軍
着白衣丙丁日着黑衣戊己日着青衣庚辛日着
赤衣壬癸日着黃衣執五色旗出寨門直行四十
九步棚旗在地小將引馬繞旗轉四十九轉取於
招搖高聲大言禍去福來凡道七遍躍馬而歸不
得返顧一切凶惡不致相加

凡安營下寨有井水忽然湧沸有聲如雷隱隱經
時不止則兵出中道而敗可澄心正立左手叉腰
右手執劒尖指井泥泉念呪曰泥泉之神吾知汝

名輒應餘威、洪波上騰、清安坎兌、大利吾軍、急急如律令、呪訖、遂怒目、飲氣叱之、則無禍患、

凡行軍山谷間、若有嵐煙嶂霧、前後晦暝、可令前軍呐喊、鳴金擊鼓、搖旗驅馬而進、此山鬼厭、人可、以衝突、自然無咎、若不如此、逢敵必敗、糧道阻絕、人離散、

凡交戰時、敵人大敗、若暄霾風雨忽起、一切不可追襲、恐是敵人厭法、大將軍急取淨水一碗、左手持水、右手持劍、望敵兵處叩齒七遍、呪曰、叱叱

風神腐木之精，爲人驅使，厭吾正兵，神水一巽，倒殃迴程，急急如律令，念咒畢，便含水一口，望風巽之。

凡五更忽有風起，倒樹飛沙，天色悲慘，營中戰馬嘶喊不止，有逆亂事，并敵人與衆兵相加，當令商姓將一人，着白衣，用硬弓，四方上下，各射一箭，得獲平安，有兵自還。

凡出軍有和風飄衣褶，習習不止，人情舒暢，旌旗飛揚，當令射獵作戲，以悅軍情，蓋敵人遠避，奸賊

從順也、

凡營寨中風忽起吹旗有動者、餘旌旗都不動、速令馬軍四十九騎、或四百九十騎、出寨三里、四面搜索、必擒敵人驍將、

凡軍帳前忽旋風起、依營門出者、可令小將二人隨風落處、必有奇怪事、或無、便於地掘下三尺、必見異物、

凡安營纔定、有白雲如走獸狀、對營寨、若龍蟠鳳舞、來往不定、可令徵姓軍士三人、着緋衣、持緋旗、

面出寨約行二里卓旗殺黑犬一隻望雲灑血
每人灑七遍而還不得回視則營壘保全敵不敢
犯

凡遇敵有赤雲如山在彼軍上勢向我陣不可鳴
金擊鼓宜張列旗幟按兵待敵先動然後應之

凡對陣廻戈有雲如火鼠尾之狀覆于寨上便
當量截二里所兵數多少及一切金鼓旗幟盡須
入寨其餘軍衆分作兩隊於寨外溝壑山谷林藪
間堪隱匿處潛伏待之入夜必有敵人切寨但令

寨中舉火爲號、伏兵齊起掩擊、必獲大勝、

凡攻城破陣、有風帶腥氣者、順風可攻、逆風不可攻、此名天宿風、鬼金之氣、必相殺、有風帶土者、此名天泣涕、不可攻、令衆軍望天、置唱喏三聲、同向無凶、有風帶土霧者、名暗風、夜有賊兵劫寨、宜先防備、

凡行軍、甲乙日有白雲、白鶩、白西方飛來、此係天狗下食人、宜赤旗立於西方、以弓箭射之、用黃旗頓在北方、可變凶爲吉、庚辛日、南方有赤雲、氣風

來主哭、可用黑旗立於南方、嚙水一口、免致火災。
念呪曰、南方宋無忌、火光速入地、我有子癸神、自
蓄萬斛水、急急如北極紫微大帝律令勅、五帝大
火鈴童子、火鈴將軍、聞吾神水、速走萬里、急急如
北極紫微大帝律令勅、

凡軍行及營寨中有雷霹靂物色、若在大將軍行
年本命土地、天衝神助、若在別方、不宜出軍攻戰、
過月方吉、

凡營寨內井泉湧沸、憂陰謀盜賊起于正東方、取

青石一枚可重十斤以酒煮之數沸投井中禳之吉

凡營寨內井忽乾竭有暴兵相臨戰必不勝埋生鐵五斤於井中吉

凡營內夜見兵刃上有如星光明將至燈火前又不見者此爲太白敗星先贏後輸將軍有難取其星光之刀截斷埋於歲刑上吉

凡軍營忽見刀劍刃上有血者敗亡之兆速令各軍磨整器械獎賞激勸大吉

凡營寨忽有樹木非時結實此軍交暴兵之難宜
斫此樹埋于歲月刑上其災自除

唐符法凡出軍往來當飲食六甲左右六丁衣帶
六戊行步乾坤飲食六甲者謂甲子旬中飲食向
北方六戊者謂甲子旬中衣帶辰地左右六丁者
謂時下甲子旬中帶鎗刀向卯地餘甲倣此行步
乾坤者謂發步之時先舉左足言乾次舉右足言
坤次舉左足言元次舉右足言亨次舉左足言利
次舉右足言貞行畢勿返顧隨意所之

大將軍當居青龍之上，如對壘時，金鳴鼓震，兵戈交戰，便當披衣念咒，步北斗從魁罡步，至破軍虛履，施身入斗，中立念咒曰：高皇真人降紫清，頭戴三台足步雲，手持寶劍攝召靈，掌握禍福判雷霆，變易造化，成晦明，華蓋躔結，隱我形，萬人見時若束薪，急急如律令攝。

陰起水



陽起火



北斗陰陽二斗當預先於虛靜庭中想斗之形履
之既熟臨危不迫此法幽玄久久步之自有奇驗

武備志卷一百八十九

防風茅元儀輯

占度載

度

茅子曰、古之縱橫家、欲以明通竅要、執人主之契、必先熟形勢、始降而至楚漢之際、一得其圖書、知天下戶口衆寡、兵甲強弱之形、一不得其要領、至爲天下宰不平、地之關于兵、較然哉、曾丞相博達士也、其次武經、獨載邊塞道里之遠近、而于方輿

之槩戶口兵馬之數缺如也安在其詳且著哉近
王將軍之談地理也詳于沿革旁及山川則太過
矣而于關要者仍有缺非所以言武備也故我志
武備而終之以度度者度地也爲按典故搜衆家
圖以辨其委說以討其原而于武備稍遠者聽之
輿圖方史可矣一曰方輿詳內地也二曰鎮戍詳
邊疆也三曰海防詳海也四曰江防詳江也五曰
四夷詳屬國也六曰航海詳聲教也之六者皆兵
力之所可及也其聲聲之不通于中華者不敢據

稗而信也、貢獻之不通于大國者、不敢信耳而傳也、鎮戍之將領、所以固鎮戍也、故不敢略山川之大者、見省直之總圖、其他名勝、所以供遊覽、起吊古、而非據帑上之聲稱、可以度管壘也、故不敢詳、若漕河見于餉、不復再、

方輿

鎮戍

海防

江防

四夷

航海

方輿一

茅子曰、方輿、乃國家郡邑之地也、自來志一統考輿地者、彼略此詳、莫中章程、於經世無補焉、故約劑之、使簡而悉、分以兩直隸十三布政司、所以示有統也、首以叙、採先哲之擘畫、所以示嘉猷也、次以形勢圖、所以示天下大勢也、次以郡邑圖、所以示犬牙相制也、次以方輿圖、所以示幅員相繫也、

次以郡邑土司戶口稅糧鹽課兵馬藩封之總數
所以示詳明也、次以督撫監司所以示上下相維
也、次以守鎮將領所以示武備周密也、次以郡邑
郡則著其禹貢所隸所以示有肇也、定其分野所
以示占驗也、明其四境所以示疆界也、按其兩都
之道里所以示朝宗也、次以州州領邑者著之、次
以縣縣屬州者又次之、所以示統馭也、考其編里
所以示繁簡也、考其去州郡城之里所以示方隅
也、次以衛考其領所、所自著者別之、所以示兵實

武備志卷之二十一
也、次以關寨、所以示險要也、大約以會典爲據、而郡邑之新設者、益之、將領之新設者、姑標其上、以未經定制、在可損益也、監司以藩之槩、統者爲首、臬次之、藩之分、統次之、臬又次之、衛領所五國制也、有損益者、依其則、有新設者、以五爲規、所新設者、列於後、藩封之儀、衛羣牧不載、以儀文也、護衛則載之、先之以總圖、示有統也、寧核無闕略、寧闕無傳疑、斯其志矣、

一統總圖

北直隸叙圖說

南直隸叙圖說

浙江叙圖說

江西叙圖說

福建叙圖說

湖廣叙圖說

河南叙圖說

山東叙圖說

山西叙圖說

陝西叙圖說

四川叙圖說


廣東叙圖說

廣西叙圖說

雲南叙圖說

貴州叙圖說

一統總圖東起朝鮮西至嘉峪南濱大海北連沙漠道路紆繁各萬餘里



北直隸叙圖說

桂萼曰北直隸古冀州地京師卽金元舊都也

山帶海有金湯之固

左環滄海右擁太行北枕居庸南襟河濟

真定以

北至於永平關口不下百十而居庸紫荊山海

俱關

喜峰古北黃花鎮

俱口子在順天東北境

險阨尤著故薊州

順天保定重兵屯焉山後諸州

自宣府東南至遼陽俱是

故我

大寧都司地也自國家棄以與虜

今三衛是

則居庸之

外所恃以爲藩離者宣府耳廣平以南四方水陸

畢會於臨清

山東屬州

轉漕京師輻輳而進若天津又

海運通衢也

國初江南糧運俱從海道今廢蘇州運道猶通

河間真定

保定之間多達兵營塢其人性獷難馴且東安霸

州武清

俱順天府屬

而東野曠人稀姦宄伏匿頗基腹

心之患迤山一帶則樵採耕牧之利居多姦人每

竄其中有司病之蓋賦繁民困戶口流亡雖畿甸

同風而順天之馬政

寄養馬匹

河間之水潦患尤烈焉

汪爲度輯說曰按張良謂關中用武之地阻三面

而守一面東制諸侯今世都燕亦用武之地亦阻

三面以一面制天下之大較關中西有巴蜀之饒

南則商鄧之險以爲退步之地，燕則前之進無窮，後之退有限，大非關中之比。關中被山，此則被太行，一帶之險阻，關中帶河，此則襟帶大海，漢咸陽邊在北，去朔方千餘里，唐張安邊在西，去吐蕃界亦幾千里，今北抵居庸，東北抵古北口，西南抵紫荆關，近者百里，遠者三百里，居庸吾背，紫荆吾吭也。據關中，扼天下之吭，而拊其背，都幽燕，切近北狄，恐反扼我吭，拊我背，防蔽尤當加意也。故自常論之，京師最急，宣大次之，遼東次之，陝西又次之。

去京有遠近也。夫京師急，則大寧內徙，三衛盤據，所宜速講。宣大次，則獨石孤懸，豐勝淪沒，亦宜速講。講大寧，則宣府無阻，而遼東右臂伸；講豐勝，則山陝有應，而甘肅左臂伸。此立國宏規，保安上畫也。永樂宣德間，但知兀良哈誠款，開平艱遠，豐勝丁口不立，甘棄不惜，其往事之恨乎！自變論之，則大寧不可復，京後之重垣宜設，宣遼不可合，花當朵顏之交構宜防，開平東勝淪沒，宣大士馬不可一日忘戰，成化弘治間，但知火篩通貢，山海征商。

宣大鑿塹築臺、京後之防、不籌策、又非往事之恨、夫始籍開創之威、東斥大寧、西闢豐勝、無難也、繼籍生養之富、大垣京後、盛兵宣大、無難也、因循偷玩、釁孽乃生、虜犯太原、始增忻代澤潞之兵、乘寧鴈之塞、虜犯洪蔚廣昌、則城宣府之塞、弛東北之防、夫阻太原之寇、在力戰于大同偏頭之間、恤洪蔚之擾、當不忘潮河川素花鎮之備、增忻代澤潞之兵、則度支馳東北之防、則畿輔震、近年經營得微、亦有過乎、嗟夫、白刃在前、不顧流矢、明哲燭患、

未然、預防薪燃川決、虜目宣大、因垣宣大併垣京後可也、以宣大爲餌、宜垣京後亦可也、悉力宣大、置京後不講、輕重緩急失權多矣、噫、往昔無追近、過可省、今宣大之垣告成、隆永荼毒極慘、懍矣、大城京後以奠金湯、宣大以戰爲守、山後以守爲戰、宣大遇秋乘塞、餘時有人與戰、京後有警乘塞、餘分番休以習禁軍勞逸、斯所謂卽體酌用、審勢之道也、

方輿勝略曰、按北直隸、乃畿甸重地、根本繫焉、順

天賦役並繁、禁厥莊田、星羅基布、事屬掣肘、而養馬之累、則諸縣同焉、永平逼近邊陲、屢遭虜患、河間水頁仍真、定保定路極衝繁、軍屯達塢交錯、其間撫輯爲難、且每秋方守三關、更爲勞費、順德俗淳訟簡、大名廣平地僻土饒、賦禾勿辦、長民者持廉敦儉、加意撫綏、可不勞而治矣、又按保瀛、燕薊之墟、巨浸洪洋、所在如是、萑葦蘆荻、蕭然彌望、抑何惑乎民貧而賦靡給也、宜設營田憲使、如前代擇有心計忠實、給工本募農人、教之墾爲水田、


重事權、久任弗移、如此、豈惟贍民、且何以限寇騎、
備漕梗、輕南運、尚亦有利矣、

遼東界

東抵山東界

東南抵

北直隸形勢圖



北

西

獨石

隆慶

居庸關

北關天

永平

山海關

南

東

三


沙漠

西北抵

山西界

西抵山西界


西南抵




東抵

河南界

北直隸郡邑圖



山東萊州界



山東界

山東東昌府界

河南彰德府界

出遼州界

北直隸方輿圖

每方百里
府以口州以
縣以街以
後倣此

駐中大
定府

鮮卑

建州

龍山

瑞州

利州

和樂

白狼山白狼

開榆

清水

交龍街地
丁良哈

舊公

海州

明

漢所

興州

安可

明古北三平

河

大


天津

鹽山

鹽山

新注





北直隸計府八曰順天曰保定曰河間曰真定曰順德曰廣平曰大名曰永平其所領州十七縣一百一十五又州二曰延慶曰保安其所領縣一爲府八州十九縣一百一十六人戶洪武二十六年數三十三萬四千七百九十二弘治四年數三十九萬四千五百萬曆六年數四十二萬五千四百六十三人口洪武二十六年數一百九十二萬六千五百九十五弘治四年數三百四十三萬五百三十七萬曆六年數四百二十六萬四千八百

九十八夏稅洪武二十六年額麥三十五萬三千二百八十石絹三萬二千九百六十二疋弘治十五年額麥一十七萬九千五百二十六石九升七合六勺絹四萬五千五十四疋二十二丈八尺四寸二分六釐絲二百二十四斤一兩一錢三分鈔九貫二百七十五文萬曆六年額麥一十七萬八千六百四十三石八斗二合五勺絹四萬五千二百七十三疋二十五丈七尺五寸九分三釐絲二百二十四斤一兩一錢三分鈔九貫二百七十五

文秋糧、洪武二十六年額米八十一萬七千二百四十石、弘治十五年額米四十二萬四千二百八十五石三斗五升七合一勺、綿花絨一十萬三千七百五十三斤一十三兩七錢五分、萬曆六年額米四十二萬二千一百六十四石六斗六升四合七勺、穀三千八百石八斗三勺、綿花絨一十萬三千七百四十二斤一十兩八錢一分、草料弘治十五年額八百七十七萬八千四百八十四束五分、萬曆六年額八百七十二萬六千六百七十九束。

一十三斤一十三兩而長蘆都轉鹽運使司則駐河間焉其分司二曰滄州曰青州洪武間歲辦鹽六萬三千一百五十三引三百斤弘治間歲改辦小引鹽一十八萬八百七引一百八十八斤萬曆六年歲辦小引鹽一十八萬八百八引八十六斤歲解太倉銀一十二萬兩行鹽之地則畿內之八府二州及河南之彰德衛輝焉舊有行太僕寺苑馬寺領監六苑二十四今惟太僕寺寄養馬三萬四千八百餘疋而盈縮不一萬全都指揮使司轄

衛十五、領所七十七、又所三大寧都指揮使司故
有地、自永樂間棄與虜、移駐保定、轄衛十一、領所
五十五、又所一、而遼東都指揮使司雖在關外、其
督臣則共之、轄衛二十五、領所一百二十四、州二、
曰自在、曰安樂、以撫降夷、苑馬寺一、領監一、苑三、
今以監司攝之、在京衛凡三十四、領所二百五十、
在外衛凡八十二、領所四百二十、又所四、共爲衛
一百十六、所六百七十六、而都司所屬設於他省
者不與焉、京營官軍見操一十一萬七千三百餘

員名、巡捕五千六百餘員名、合薊鎮遼東保定三鎮官軍、原額二十萬九千五百四十七員名、見額二十四萬二千二百四十三員名、馬原額十萬三十疋、見額馬騾八萬六千八百四十五疋、其詳各自見於鎮戍中、其守鎮將領亦自見各鎮、不再列、

督撫監

總督薊遼保定等處軍務、兼理糧餉一員、
整飭薊州等處邊備、兼巡撫順天等府地方一員、
薊州兵備一員、管理喜峰口馬蘭谷松棚谷太

平寨四路監督副叅等官，分管薊州遵化豐潤
玉田四州縣薊州鎮朔遵化營州右東勝右忠
義中興州前開平中屯興州左屯九衛寬河一
所兵馬錢糧兼屯田。

昌平兵備一員，管理黃花鎮居庸關橫嶺城三
路監督副叅等官，分管昌平州懷柔縣順義縣
長陵等九陵衛及延慶營州左屯二衛莫靖鎮
邊渤海白羊四所兵馬錢糧兼屯田。

永平兵備一員，管理燕河管臺頭管石門寨山

海關四路監督副叅等官、分管永平府灤州盧龍遷安撫寧昌黎樂亭五縣撫寧永平盧龍山海東勝左興州右六衛兵馬錢糧兼屯田、

密雲兵備一員、管理石塘嶺古北口曹家寨牆子嶺四路監督副叅等官、分管通州密雲三河寶坻平谷五州縣密雲中後衛通州左右衛神武中衛定邊衛興州後衛營州後屯前屯中屯衛梁城守禦千戶所、兵馬錢糧兼屯田、

霸州兵備一員、管理霸州香河二州縣并營州

前屯衛及西山瀾河一帶兵馬錢糧兼屯田河道

巡撫保定等府兼提督紫荆等關兼管河道一員、
天津兵備一員專在天津、滄州二處來往所管、
自天津起、德州止、并河間、滄州軍衛有司兵馬
錢糧兼屯田河道

紫荆兵備一員駐劄易州管理紫荆關并該關
所轄隘口東起沿河口總西至白石口總止及
保定一府所屬二十州縣保定五衛茂山衛并

山西廣昌靈丘等州縣軍衛有司仍聽保定巡撫節制干涉山西都御史一體呈請施行

井陘兵備一員駐劄井陘管理倒馬龍泉故關并各關隘口東起挿箭嶺總西至石榴嘴等口止及真定府所屬三十二州縣與真神定三衛平定守禦千戶所并平西平定州樂平五臺繁峙等縣兼馬政驛傳

大名兵備一員管理順德所轄邊隘北起錦繡堂等口南至數道巖等口并順廣二府各九縣

大名府所屬十一州縣順德守禦百戶所兼制
山東河南直隸鄰境州縣衛所操練防盜馬匹
等項兼驛傳

巡撫遼東地方兼贊理軍務一員

寧前兵備一員春夏駐劄寧遠秋冬駐劄前屯
東至寧遠塔山所西至前屯中前所抵關所轄
寧前一衛城堡驛所共三十二處兼管屯田馬
政

分巡遼海東寧道一員帶管廣寧錦義等處兵

備春夏駐劄錦州、秋冬駐劄義州、東至廣寧鎮、武并西與西平、西寧、平洋等堡、西至錦州杏山驛、所轄廣寧等九衛、兼管屯田馬政、

開原兵備一員、兼管屯田軍政、

分守遼海東寧道一員、帶管遼陽、瀋陽、撫順、蒲河、寬奠各城堡邊備、兼管屯田馬政、

苑馬寺卿、兼金復海蓋兵備一員、照舊管理馬政、夏秋駐蓋州、冬春駐海州、整飭四衛、并東昌、東勝、耀州、連邦谷等堡、

順天府

禹貢冀州之域，天文尾箕分野，領州五，縣二十二，東至東平府灤州界三百九十里，南至河間府任丘縣界三百五十里，西至山西大同府蔚州界三百五十里，北至隆慶州界一百六十里，自府治至南京三千四百一十五里，屬邑至京師限二日。

昌平州

領縣三，編里三十五，在府北九十里。

通州

領縣四，編里三十二，在府東四十五里。

涿州

領縣一、編里四十六、在府西南一百四十里、

霸州

領縣三、編屯三十一、在府南二百一十里、

薊州

領縣四、編里二十、在府東二百里、

太興縣

編里四十、九、附郭、

宛平縣

編里一百四十八、附郭、

良鄉縣

編屯二十五、府西南七十里、

固安縣

編里三十八、在府西南一百二十里、

永清縣

編里二十一、在府南一百五十里、

東安縣

編屯四十四、在府南一百五十里、

香河縣

編屯社一十、在府東南一百二十里、

順義縣

屬昌平州、編屯二十七、在府東北六十里、

密雲縣

屬昌平州、編屯十九、在府東北一百二十里、

懷柔縣

屬昌平州、編屯十四、在府東北一百里、

三河縣

屬通州、編屯三十五、在州城東七十里、

武清縣

屬通州、編屯二十、在州城南五十里、

鄆縣

屬通州、編屯十五、在州城南四十五里、

寶坻縣

屬通州、編屯二十二、在州城東南一百二十里、

房山縣

屬涿州、編屯十六、在州城西北四十里、

文安縣

屬霸州編屯三十四里、

大城縣

屬霸州編屯二十三、在州城南一百三十里、

保定縣

屬霸州編屯六、在州城南四十里、

玉田縣

屬薊州編屯十八、在州城東八十里、

豐潤縣

屬薊州編屯二十二、在州城東南一百九十里、

遵化縣

屬薊州編屯二十二、在州城東一百二十里、

平谷縣

屬薊州編屯十三、在州城西北八十里、

在京衛

三十四領所二百五十

錦衣衛

領所十五

旗手衛

領所六

府軍衛

七領所

府軍右衛

六領所

府軍後衛

六領所

羽林右衛

七領所

金吾左衛

八領所

金吾前衛

七領所

虎賁左衛

七領所

燕山右衛

五領所

大興左衛

五領所

府軍左衛

七領所

府軍前衛

十五領所二

羽林左衛

六領所

羽林前衛

七領所

金吾右衛

八領所

金吾後衛

六領所

燕山左

領所

燕

濟州衛

五領所

武驤左衛

八領所

武驤右衛

八領所

騰驤左衛

八領所

騰驤右衛

八領所

彭城衛

五領所

永清左衛

五領所

永清右衛

五領所

武功左衛

十領所

武功右衛

十領所

武功中衛

十領所

長陵衛

五領所

獻陵衛

五領所

景陵衛

五領所

在外衛

二十四領所
一百二十一
所二

通州衛

領所五
在通州治

興州中屯衛

領所六
在良鄉治東

密雲中衛

領所五在密雲縣治東

密雲後衛

領所五在密雲縣東一百二十里

通州左衛

領所三在通州東南

通州右衛

領所五在通州東南

神武中衛

領所五在通州治南

定邊衛

領所五在通州治西

興州後屯衛

領所五在河縣治西

武清衛

領所五在武清縣治東

涿鹿衛

領所五在涿州治西北

涿鹿左衛

領所五在涿州治西

涿鹿中衛

領所五在涿州左衛西

薊州衛

領所五在薊州治東北

鎮朔衛

領所五在薊州衛西

遵化衛

領所五在遵化縣治南

東勝右衛

領所五在遵化縣西

忠義中衛

領所六在遵化縣治東南

興州前屯衛

領所五在豐潤縣治西

興州左屯衛

領所六在玉田縣治東南一百四十里

營州前屯衛

領所五屬大寧都司營州後屯衛

領所五屬大寧都司

營州右屯衛

領所五屬大寧都司

營州中屯衛

領所五屬大寧都司

寬河守禦千戶所

屬大寧都司在遵化縣治南

梁城守禦千戶所

在寶坻縣東南一百四十里

關 三口三寨

居庸關

在府北一百二十里

天津關

在良鄉縣北，西至大龍門，凡十五關，口其間大者曰天津關。

黃崖峪關

在薊州北四十里，自關以東，凡十口，至馬蘭關。

馬蘭峪關

在遵化北，自是而東，凡三十一關，口曰羅文峪口，曰松稱峪口，曰龍井兒關，曰潘家口，曰圍亭寨。

白楊口

在昌平州西，凡二十

古北口

在密雲縣東北一百二十里，自是而東，凡二十四關，口至蛾眉山寨。

大喜峰口

在遵化縣北，凡七十口，至永平府青山口。

峨眉山寨

在密雲縣東北，又東至黃崖峪關，凡五口，其間差大者曰黃松峪關，曰將

軍石

關。

保定府

禹貢冀州之域，天文尾箕兼昴畢分野，領州三，縣十七，東至河間府，靜海縣界三百里，西至山西大同府，廣川縣界三百里，南至真定府，安平縣界一百二十里，北至順天府，涿州界二百里，自府治至京師三百五十里，限五日，至南京三千二百里。

祁州

領縣二，編里十四，在府城南一百二十里，

安州

領縣二，編里二十二，在府城東七十里，

易州

領縣一、編里三十八、在府城西北一百二十里、

清苑縣

編杜二十、四附郭、

滿城縣

編里二十、在府城西北四十里、

安肅縣

編里十六、在府城北六十里、

定興縣

編里二十一、在府城北一百二十里、

新城縣

編里三十六、在府城東北一百五十里、

唐縣

編里二十二、在府城西一百一十里、

博野縣

編里二十一、在府城南九十里、

慶都縣

編里二十、在府城西南九十里、

容城縣

編里六在府城東北九十里

完縣

編里十八在府城西七十里

蠡縣

編里二十七在府城南九十里

雄縣

編里十七在府城東北一百二十里

深澤縣

屬祁州編里十一在州城南二十里

束鹿縣

屬祁州編里十七在州城南一百二十里

高陽縣

屬安州編里十四在州城南四十里

新安縣

屬安州編里十一

涞水縣

屬易州編里二十五在州城東四十里

司一衛

六領所三十

大寧都指揮使司

在府治西

領衛十一，曰保定左右中前後，曰營州左右中前後，曰茂山，領所五十五，所一曰寬河，其營州五衛，寬河一所，散見於它郡。

保定左衛

領所五

保定右衛

領所五

保定中衛

領所五

保定前衛

領所五，俱在都司治西

保定後衛

領所五，在都司治東

茂山衛

領所五，在易州治南

關八

紫荆關

在易州城西四十里

鴻山關

在唐縣西北七十里

倒馬關

在唐縣西北

八渡關

在唐縣西北五十里

高陽關

在高陽縣

瓦橋關

在雄縣

河間府

禹貢冀州之域、天文箕尾分野、領州二縣十六、東至山東濟南府海豐縣界三百里、南至濟南府德州界二百九十二里、西至保定府蠡縣界六十里、北至保定府雄縣界一百三十里、自府治至京師四百一十里、限七日、至南京二千九

百四十里

景州

領縣三、編里二十八、在府城南二百里、

滄州

領縣三、編里二十八、在府城東一百五十里、

河間縣

編里二十、七、附郭、

獻縣

編里二十七、在府城南六十里、

阜城縣

編里二十六、在府城西南一百四十里、

肅寧縣

編里十四、在府城西北五十里、

任丘縣

編里三十二、在府城北九十里、

交河縣

編里十五、在府城南八十里、

青縣

編里二十七、在府城東一百五十里、

興濟縣

編里十、在府城東一百八十里、

靜海縣

編里十九、在府城東一百八十里、

寧津縣

編里二十五、在府城東南二百九十里、

吳橋縣

屬景州、編里十三、在州城東五十里、

東光縣

屬景州、編里九、在州城東北七十里、

故城縣

屬景州、編里八、在州城南九十里、

南皮縣

屬滄州、編里九、在州南七十里、

鹽山縣

屬滄州、編里二十、在州東九十里、

慶雲縣

屬滄州編里十二、在州南一百六十里、

衛

六、領所三十、

河間衛

領所五、在府治南、

瀋陽中屯衛

領所五、在府治東南、

大同中屯衛

領所五、在府治西、

天津衛

領所五、

天津左衛

領所五、

天津右衛

領所五、俱在靜海縣、

真定府

禹貢冀州之域、天文昴畢分野、周爲并州、領州五、縣二十七、東至直隸河間府獻縣界三百一十里、西至山西平定州界一百八十里、南至直

隸順德府內丘縣界二百一十里、北至保定府
慶都縣界一百七十里、自府治至京師六百三
十里、限九日至南京三千一百里、

定州

領縣三、編里三十四、在
府城東北一百二十里、

冀州

領縣四、編里十七、在府
城東南三百八十里、

晉州

領縣三、編里十九、
在府城東九十里、

趙州

領縣六、編里十七、在
府城南一百一十里、

深州

領縣一、編里十七、在
府城東二百五十里、

真定縣

編里十八、附郭、

井陘縣

編里十三在府城西南一百五十里

獲鹿縣

編里十一在府城西南五十里

元氏縣

編里十七在府城西南九十里

靈壽縣

編里十三在府城西北六十里

藁城縣

編里十三在府城東南六十里

藥城縣

編里十二在府城南六十里

無極縣

編里十三在府城東八十里

平山縣

編里二十一在府城西九十里

阜平縣

編里十一在府城西北二百五十里

新樂縣

屬定州編里十一、在州城西南五十里、

曲陽縣

屬定州編里二十五、在州城西六十里、

行唐縣

屬定州編里二十二、在州城西九十里、

南宮縣

屬冀州編里二十、在州城南六十里、

新河縣

屬冀州編里十二、在州城西六十里、

棗強縣

屬冀州編里十七、在州城東三十里、

武邑縣

屬冀州編里二十三、在州城東北九十里、

安平縣

屬晉州編里十二、在州城東北九十里、

饒陽縣

屬晉州編里十七、在州城東北一百三十里、

武強縣

屬晉州編里十四在
州城東一百六十里

栢鄉縣

屬趙州編里十在
州城南七十里

隆平縣

屬趙州編里十一在
州城東南一百里

高邑縣

屬趙州編里十在
州城西南五十里

臨城縣

屬趙州編里十三在
州城西南九十里

贊皇縣

屬趙州編里十二在
州城西北九十里

寧晉縣

屬趙州編里十八在
州城東四十里

衡水縣

屬深州編里七在
州城南五十里

衛

三領所
十五所屬

真定衛

領所四在府治

神武右衛

領所五在真定衛西

定州衛

領所六在定州

倒馬關中所

屬定州衛在定州西倒馬關

關四口二

倒馬關

在定州西自是而東凡三關口至保定周家保自是而西北五關口至金龍洞

土門關

在獲鹿縣之西一十里唐置一名井陘關

龍泉關

在曲陽縣西自是而東北凡二十一關口至金龍口自是而西南凡十五關口

至白羊口

白羊口

在寧壽縣西自是而西南凡二關口至惡石口

惡石口

在真定縣西自是而西南凡一十五關口至故關

故關

在井陘縣西界接山西平定州

順德府

禹貢冀州之域天文昴分野領縣九東至廣平府威縣界一百五十里西至山西遼州和順縣界一百五十里南至廣平府永年縣界五十里北至真定府栢鄉界一百里自府治至京師一千里限十五日南至南京一千七百二十里

邢臺縣

編社三十
二附郭

沙河縣

編社十九在府城
南五十五里

南和縣

編社十六在府城
東四十里

平鄉縣

編社十二在府城
東南一百里

廣宗縣

編社十四在府城
東一百二十里

鉅鹿縣

編社十四在府城
東北一百二十里

唐山縣

編社十五在府城
東北九十里

內丘縣

編社十九在府城
北五十里

任縣

編社十五在府城
東北四十里

所屬

順德守禦百戶所

屬衛在府治東

廣平府

禹貢冀州之域，天文昴分野，領縣九，東至山東，東昌府臨清縣界一百二十里，西至河南彰德府磁州武安縣界八十里，南至河南彰德府臨漳縣界八十里，北至順德府南和縣界六十里，自府治至京師一千里，限十六日至南京一千六百七十五里。

永年縣

編里三十
二附郭

曲周縣

編里二十一，在府城東北四十五里。

肥鄉縣

編里三十八，在府城南四十里。

雞澤縣

編里十二，在府城北七十里。

廣平縣

編里十九，在府城東南七十里。

邯鄲縣

編里三十，在府城西南五十五里。

成安縣

編里二十七，在府城南六十里。

威縣

編里十，在府城東北一百三十五里。

清河縣

編里八，在府城東北二百里。

大名府

禹貢冀兗二州之域，天文室壁分野，領州一縣，
十，東至山東東昌府冠縣界九十里，西至河南
彰德府臨漳縣界一百一十里，南至河南開封
府封丘縣界四百里，北至山東東昌府館縣界
一百里，自府治至京師一千一百六十里，限二
十日至南京二千四百四十里。

開州

領縣一，編里一百二十二，
在府城南一百六十里。

元城縣

編里三十，
八附郭。

大名縣

編里十九，在府
城南一十里。

南樂縣

編里三十四在府城東南四十里

魏縣

編里四十八在府城西四十里

清豐縣

編里四十一在府城東南九十里

內黃縣

編里三十四在府城南一百里

濬縣

編里四十八在府城西南二百里

滑縣

并東明縣編里八十九在府城南二百三十里

東明縣

新設

長垣縣

屬開州編里七十八在州城南一百五十里

關

金堤關

在發靈河縣西南五十三里

博望關

在內黃縣東南十三里接河內縣界

永平府

禹貢冀州之域，天文尾箕分野，初虞分冀州東北爲營州，此卽其地，周屬幽州，領州一縣五，東至山海關一百八十里，西至順天府豐潤縣界一百二十里，南至海岸一百六十里，北至桃林口六十里，自府治至京師五百五十里，限九日，至南京三千九百九十五里。

灤州

領縣一、編里六十七、
在府城南四十里、

盧龍縣

編里十、
一附郭、

遷安縣

編里二十二、在府
城西北四十里、

撫寧縣

編里十七、

昌黎縣

編里二十五、在府
城東南八十里、

樂亭縣

屬灤州、編里二十七、
在州城東九十里、

衛

七領所
四十一、

永平衛

領所八、
在府治、

東勝左衛

領所五、
在府治、

盧龍衛

領所五、在
永平衛南、

開平中屯衛

領所五、在
灤州西、

興州右屯衛

領所五在撫寧縣北十里

山海衛

領所八在撫寧縣關口

關五口四

榆關

在撫寧縣東二十里

劉家口關

在遷安縣北東至桃林口關凡四口

桃林口關

在盧龍縣北至界嶺口關凡四口

界嶺口關

在昌黎縣界東至義院口凡八口其間差大者爲前桿嶺

山海關

在撫寧縣東其北爲山其南爲海相距不數里許實險要之地

青山口

在遷安縣西北西接大喜峯口東至冷口凡十二口

冷口

在遷安縣西北東至劉家口關凡三十其間差大者曰河流口徐流口

義院口

在撫寧縣東北至董家口凡五其間差大者爲石門寨

董家口

在撫寧縣北東至山海關凡十其間差大者爲大毛山口太青山口

延慶州

禹貢冀州之域天文尾分野編里十四領縣一東至四海治一百三十里南至分山道屯界二十里西至保安州沙城界一百里東至雲州八谷十里自州治至京師一百八十里限四日至南京三千六百二十五里

永寧縣

編里五在州城東三十里

保安州

禹貢冀州之域，虞爲幽州北境，天文尾箕分野，永樂中置舊治南山下，景泰二年城雷家站，移州及衛治於此，編里七，東至隆慶州界，土木驛四十里，南至山西蔚州界，美峪一百里，西至蔚州界，深井一百四十里，北至宣府界，泥河七十里，自州治至京師三百里，限五日至南京三千七百二十五里。

衛

一領所五

保安衛

屬萬全都司領所五在州治西北

美峪守禦千戶所

屬萬全都司在衛治西

萬全都指揮使司

禹貢冀州之域天文尾分野領衛十五所三堡
五曰蔚州隆慶左右宣府左右前萬全左右永
寧懷安懷來保安保安右龍門開平領所七十
七所三曰興和曰美峪曰廣昌其蔚州隆慶左
永寧保安四衛廣昌美峪二所散建於各州縣

在萬全者衛十一、領所五所二、外一東至四海治

十四

屬衛

三百三十里南至廣昌千戶所四百五十里西至枳兒嶺一百六十里北至長峪口四十里自都司至京師三百五十里至南京三千八百五十里

宣府左衛領所五

宣府右衛領所五

宣府前衛領所五

萬全左衛領所五

萬全右衛領所五

懷安衛領所五

城西八十里

在宣府城

保安右衛

領所三在懷安衛城內東北

懷來衛

領所五在宣府城東南一百五十里

隆慶右衛

領所五在懷來衛城內東北

開平衛

領所五在宣府城東北三百里

龍門衛

領所六在宣府城東一百二十里

興和守禦千戶所

附郭

龍門守禦千戶所

屬龍門衛在宣府城東北二百四十里

長安嶺堡

在宣府城東北一百四十里

鵬鵠堡

在宣府城東北一百七十里

赤城堡

在宣府城東北二百里

雲

在宣府城東北二百一十里

馬營堡

在宣府城東北二百六十里

遼東都指揮使司

禹貢冀青二州之域，舜分冀東北爲幽州，卽今廣寧以西之地，青東北爲營州，卽今廣寧以東之地。天文箕尾分野，本朝洪武四年置定遼都衛，八年改爲遼東都指揮使司，十年革所屬州縣置衛。永樂七年復置安樂，自在二州，今轄衛二十五，領所一百二十三，州二，東至鴨綠江，五百六十里，西至山海關，一千一十五里，南至旅

以廢州縣置衛所故特詳之

順海口七百三十里北至開原三百四十里自都司至京師一千七百里至南京五千四百里

定遼中衛

領所四附郭

定遼左衛

領所三附郭

定遼右衛

領所二附郭

定遼前衛

領所四附郭

定遼後衛

領所五附郭

東寧衛

領所六附郭

海州衛

領所五在南一百二十里在都司城

蓋州衛

領所四在南二百四十里在都司城

復州衛

領所四在南四百二十里在都司城

金州衛

領所五在南六百六十里在都司城

廣寧衛

領所五在都司城
西四百二十里

廣寧中衛

領所四

廣寧左衛

領所五

廣寧右衛

領所三以上三衛
俱在廣寧衛城內

義州衛

領所五在都司城
西北五百四十里

廣寧後屯衛

領所五在義
州衛城內

廣寧中屯衛

領所六在都司
城西北六百里

廣寧左屯衛

領所六在故
錦州城內

廣寧右屯衛

領所五在都司城
西五百四十里

廣寧前屯衛

領所七在都司城
西九百六十里

寧遠衛

領所二、在都司城
西七百七十里

瀋陽中衛

領所六、在都司城
北一百二十里

鐵嶺衛

領所六、在都司城
北二百四十里

三萬衛

領所八、在都司城
北三百三十里

遼海衛

領所九、在
開原城內

安樂州

自在州